



PROMOSI KEJOHANAN DI UDARA



Hebahan Kejohanan Merentas Desa MSSM 2026 terus diperkasakan menerusi penampilan dua wakil murid Labuan dalam segmen “Setagal Dulu” terbitan RTM Labuan pada 22 April 2026. Penglibatan Annabeth Chrystella Benry dari SMK Mutiara dan Muhammad Haikal Zikri bin Mohd Azami dari SK Tanjung Aru bukan sahaja membantu mempromosikan kejohanan kepada khalayak umum, malah menyerlahkan semangat dan keterujaan atlet muda menjelang temasya sukan tersebut. Melalui platform media seperti ini, maklumat berkaitan kejohanan dapat disebarluaskan dengan lebih berkesan kepada masyarakat setempat. Inisiatif ini turut menjadi medium yang baik untuk memperkenalkan wakil-wakil muda Labuan serta menyemarakkan lagi sokongan terhadap penganjuran Kejohanan Merentas Desa MSSM 2026.

Selain berperanan sebagai medium promosi, penampilan ini juga memberi nilai tambah dari segi pendedahan awal kepada murid untuk berinteraksi dalam platform media secara yakin dan berhemah. Usaha seperti ini secara tidak langsung memperlihatkan kesungguhan jawatankuasa penganjur dalam memastikan kejohanan berjaya.



22 APRIL 2026 | RABU

BULETIN HARIAN



KEMENTERIAN PENDIDIKAN



PERSIAPAN MAJLIS PENUTUPAN MULA DISELARAS

AJK Majlis Penutupan telah melaksanakan penyelarasan awal berkaitan aspek protokol serta urusan penghantaran hadiah ke lokasi majlis penutupan. Tindakan ini dilaksanakan bagi memastikan segala persiapan dapat dibuat dengan teratur dan mengikut keperluan atur cara majlis.

Selain itu, semakan terhadap susunan hadiah, keperluan pentas dan laluan pergerakan turut diberi perhatian bagi memastikan majlis dapat berlangsung dengan lancar. Penyelarasan ini juga penting bagi memudahkan urusan penyampaian hadiah serta memastikan tatacara protokol dipatuhi sepenuhnya.

Kerjasama erat antara petugas protokol dan jawatankuasa berkaitan telah membantu melicinkan segala urusan di lokasi. Persediaan awal yang dibuat ini mencerminkan komitmen jawatankuasa dalam memastikan majlis penutupan dapat dilaksanakan dengan kemas, teratur dan penuh istiadat.



REFORMASI
PENDIDIKAN



GENEPASI
MADANI



22 APRIL 2026 | RABU

BULETIN HARIAN



KEMENTERIAN PENDIDIKAN



PERSIAPAN TREK DITERUSKAN SECARA BERPERINGKAT



Kerja-kerja persediaan bagi Kejohanan Merentas Desa MSSM Peringkat Kebangsaan 2026 diteruskan pada hari ini dengan memberi tumpuan kepada usaha memperkemas laluan merentas desa. Semakan di lapangan dilaksanakan secara berterusan bagi memastikan setiap laluan berada dalam keadaan yang lebih jelas, teratur dan sesuai digunakan sepanjang kejohanan berlangsung.

Selain itu, aktiviti tagging turut dilaksanakan di sepanjang laluan sebagai panduan awal serta penandaan yang lebih sistematik. Langkah ini penting bagi membantu melicinkan pergerakan di lokasi berkaitan, di samping memudahkan penyelarasan petugas dan pihak yang terlibat dalam pengurusan kejohanan.



Dalam masa yang sama, kawasan coaching area juga telah dikenal pasti dan ditanda bagi memastikan kedudukannya lebih tersusun dan mudah dirujuk. Keseluruhan gerak kerja yang dilaksanakan pada hari ini menunjukkan komitmen berterusan jawatankuasa dalam memastikan setiap aspek persediaan dibuat dengan teliti demi kelancaran penganjuran kejohanan.



REFORMASI
PENDIDIKAN



GENEPASI
MADANI



22 APRIL 2026 | RABU

BULETIN HARIAN



KEMENTERIAN PENDIDIKAN



KOORDINASI AWAL PACU KELANCARAN MERENTAS DESA



Satu perjumpaan Jawatankuasa Pegawai Pegiring dan Pemandu bersama Pengarah telah diadakan sebagai langkah penyelarasan awal sempena Kejohanan Merentas Desa MSSM Peringkat Kebangsaan Tahun 2026. Perjumpaan ini bertujuan untuk memperincikan peranan, tanggungjawab serta aspek pergerakan pegawai yang terlibat bagi memastikan pengurusan sepanjang kejohanan dapat dilaksanakan dengan lancar dan teratur.

Melalui sesi ini, semua pegawai yang terlibat turut diberi penerangan berhubung keperluan tugas, koordinasi pergerakan dan persediaan yang perlu diberi perhatian sepanjang kejohanan berlangsung. Perjumpaan ini juga menjadi platform penting dalam memastikan komunikasi, kerjasama dan tindakan semua pihak dapat diselaraskan dengan lebih berkesan.



Dalam perjumpaan yang sama, turut dilaksanakan penyerahan cenderahati pelancongan kepada Liaison Officer (LO) untuk disampaikan kepada para Pengarah dan tetamu kehormat yang hadir. Pada masa yang sama, lantikan LO VVIP juga telah dibuat bagi melancarkan urusan pengiringan dan penyambutan tetamu sepanjang kejohanan.



REFORMASI
PENDIDIKAN



GENEPASI
MADANI





LATIHAN AERODANCE MENJELANG MAJLIS PENUTUPAN



Latihan persembahan Aerodance oleh murid SK Pekan 2 (SquatRobic) bagi Majlis Penutupan turut dilaksanakan sebagai persediaan awal untuk memastikan persembahan berjalan lancar dan bertenaga.

Latihan tersebut turut dihadiri oleh Guru Besar, Puan Faridah, sebagai tanda sokongan dan galakan kepada pasukan yang akan membuat persembahan. Kehadiran beliau bukan sahaja menyuntik semangat kepada murid-murid, malah mencerminkan sokongan padu pihak sekolah





MOMEN ISTIMEWA




Kehadiran istimewa Datuk Dr. Sheikh Muszaphar Shukor Al Masrie bin Sheikh Mustapha, Angkasawan Negara turut mencuri tumpuan sepanjang kejohanan apabila beliau hadir sebagai bapa kepada salah seorang atlet daripada kontinjen Negeri Sembilan. Momen ini bukan sahaja menambahkan keterujaan suasana, malah menjadi kenangan bermakna dan inspirasi



FAKTA MENARIK HARI INI

RAMSAY POINT SAKSI DETIK BERSEJARAH LABUAN



Labuan menyimpan satu detik penting dalam lipatan sejarah apabila pulau ini secara rasmi diserahkan kepada Kerajaan British oleh Kesultanan Brunei pada 24 Disember 1846. Upacara bersejarah tersebut telah berlangsung di Ramsay Point dan disempurnakan melalui acara mengibarkan bendera British sebagai simbol penyerahan rasmi Pulau Labuan. Peristiwa ini menjadi antara catatan awal yang memberi kesan besar terhadap perkembangan pentadbiran dan kedudukan Labuan dalam sejarah serantau.



REFORMASI
PENDIDIKAN



GENEPASI
MADANI

